



Universitätsbibliothek Paderborn

**Veri & Pii Sacerdotis Idea Seu Vita R. D. Iacobi
Merlo-Horstii, Pastoris B. Mariæ Virginis In Pascvlo
Coloniæ, SS. Theol. Licent.**

Crombach, Hermann

Coloniæ, 1645

Caput 8. Anno 1623 Paraeciae D. V. in Pasculo praeficitur.

urn:nbn:de:hbz:466:1-14591

incrementa, siue decremēta referrent accuratē, cibos exquisitissimos quosq; submisit, pharmaca suppeditauit: quin & raro præcipui amoris in virum argumento manibus ipse suis nonnulla præparauit ad morbi vim infringendam, & vires corporis prostratas erigendas & confirmandas. Interim pudore virgineo suffundebatur æger, immerenti tam eximia singularis amoris indicia à tanto Principe exhiberi. Nec tamen in aula diu morari potuit, quem Deus ad curam animarum destinabat.

C A P V T VIII.

*Anno 1623. Parœciae D.V.in Pasculo
præficitur.*

DEcessit anno 1623.12. Februarij R.D. Petrus Spicherus Pastor in Pasculo, Collatio penes Decanum Metropolitani erat, multi candidati beneficij Iacobum ætate superabant, virtutis cumulatâ famâ, morumq; maturitate nemo, quam Sereniss. Princeps Franciscus per annum exploratissimam habebat, vt præter multorum opinionem, cum vix vicesimum quintum ætatis annum expleuisse, cum

di-

dignissimum existimaret, cui curam Pastoralem eam crederet, qua se totumque Capitulum Metropolitanum, familias item Canonicorum, & eorum quotquot beneficijs templi fruuntur, praeter ciuicas alias domus subijceret. Adiit 22. Martij possessionem, & eam diligentia munus obire coepit, ut cum omnium superaret expectationem hanc ex ore Principis saepe vocem expresserit, neutquam se poenitere, quod D. Iacobum aetate iuuenem tanto muneri praefecisset. Qui sicut initio cum Musas a limine salutauit, ideam absolutissimi studiosi & Philomusi, postea Sacerdotis religiosissimi, sic iam exemplar Curatoris animarum vigilantissimi studuit exhibere, & omnes partes huius officij humeris etiam Angelicis formidandi peruestigare, complecti animo, & rcipta semper exsequi, utq; facilius gem Domini pasceret oratione & verbo, fecutus exemplum Pastoris Pastorum &

Episcopi animarum nostrarum

Christi, coepit prius facere,

quam docere.

* *

B 3

CA